



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama Visokog sudskog i tužilačkog vijeća Bosne i Hercegovine broj 08-02-2-1826-1/2019 od 14.05.2019. godine, na preporuku Komisije za nabavke od 05.05.2023. godine, direktor Sekretarijata Visokog sudskog i tužilačkog vijeća Bosne i Hercegovine, donosi

O D L U K U o izboru najpovoljnijeg ponuđača

Član 1.

(Predmet odluke)

Ugovor o nabavci usluga – LOT 2 - Usluga održavanja i servisiranja klima uređaja - split sistemi, dodjeljuje se ponuđaču **SES d.o.o. Sarajevo**, za ponuđenu ukupnu vrijednost ponude od 1.695,00 KM bez PDV-a.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u konkurentskom zahtjevu za dostavu ponuda.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-7-2-51-3-35/23 objavljeno dana 10.04.2023. godine. Primljena su ponude ponuđača SES d.o.o. Sarajevo i Digital line d.o.o. Sarajevo.

Komisija za nabavke imenovana Rješenjem, br. 05-16-4-158-1/23 od 11.01.2023. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-1445-14/23 od 05.05.2023. godine su u prilogu ove odluke), i utvrdila sljedeće:

Aneksom 3 Konkurentskog zahtjeva broj 05-16-4-1445-2/23 od 10.04.2023. godine definiran je Obrazac za cijenu ponude **sa detaljnim uputama za njegovo pravilno popunjavanje**. Tačka 6. navedenog Obrasca za cijenu ponude određuje na koji način će se unositi podaci u tabele i u njoj stoji da: „**Ukupna ponuđena cijena za redovno održavanje (Tabela 1.) ne može biti veća od 18% procijenjene vrijednosti nabavke predmetnih usluga bez PDV-a. Ukupna ponuđena cijena za reaktivno održavanje (Tabela 2.) bez PDV-a ne može biti veća od 12% procijenjene vrijednosti nabavke predmetnih usluga bez PDV-a**“.

Ponuđač „Digital line“ d.o.o. Sarajevo je prilikom popunjavanja Obrasca za cijenu ponude previdio tačku 6. i ponudio da će usluge redovnog održavanja (Tabela 1) izvršavati po ukupnoj cijeni od 5.700,00 sa popustom i PDV-om, što značajno premašuje definirani procenat procijenjene vrijednosti koji se odnosi na usluge redovnog održavanja klima. Prema uputama iz Obrasca za cijenu ponude, a u odnosu na procijenjenu vrijednost nabavke koja iznosi 6.000,00 KM bez PDV-a.

maksimalan iznos koji se mogao ponuditi za usluge redovnog održavanja je 1.080,00 KM (6.000,00 x 18%).

U skladu sa tačkama 4.4.1 i 4.4.2 Konkurentskog zahtjeva Ponuđač je dužan dostaviti popunjen Obrazac za ponudu i Obrazac za cijenu ponude sa tehničkom ponudom koji se nalaze u prilogu TD, **u skladu sa svim podacima koji su definisani Aneksom 2 i Aneksom 3**, odnosno za sve stavke koje su sadržane u tim obrascima. U slučaju da ponuđač propusti popuniti Obrazac za cijenu ponude u skladu sa postavljenim zahtjevima, za sve stavke koje su navedene, njegova ponuda će biti odbačena.

S obzirom na navedeno, ponuda ponuđača Digital line d.o.o. Sarajevo je ocijenjena kao nepravilna.

Ponuda ponuđača SES d.o.o. Sarajevo je ocijenjena kao prihvatljiva, budući da je u skladu sa uslovima iz zahtjeva i u okviru budžeta planiranog za predmetnu nabavku.

Ugovorni organ je konkurentskim zahtjevom predvidio primjenu e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16).

Obzirom da je primljena samo jedna prihvatljiva ponuda nije bilo moguće provesti e-aukciju a u skladu sa članom 3. stav (3) navedenog pravilnika.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **SES d.o.o. Sarajevo**.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-1445- 16 /23

Datum: 10.05.2023. godine

Dostavljeno:

- Ponuđačima,
- Odjelu za finansije i računovodstvo,
- a/a.



Direktor Sekretarijata

Admir Suljagić